



ԵՐԿՈՒՇԱԲԹԻ, 6 ՅՈՒԼԻ, 2020

ՏԵՐՈՒՍԱԿԱՆ ԱՊՈԹՔ

(միասնաբար արտասանուած)

Իմասպուրթին Հօր Յիսուս, րուր ինձ իմասպուրթին վբարիս խորհել եւ խօսել եւ գործել առաջի քո յամենայն ժամ. ի չար խորհրդոց, ի բանից եւ ի գործոց փրկեա վիս. եւ ողորմեա քո արարածոց եւ ինձ բազմամեղիս: Ամէն:

ՍԱՂՄՈՍ 75

ԱՍՏՈՒԱԾ Է ԱՇԽԱՐՀԻ ԴԱՏԱԻՈՐԸ

Գոհութիւն կը յայտնենք քեզի, ո՛վ Աստուած,
կը հռչակենք քու անունդ, եւ կը պատմենք սքանչելի գործերդ:
«Երբոր որոշած ժամանակս գայ,
եւ արդարութեամբ պիտի դադեմ, կ'ըսէ Աստուած:
Երբ աշխարհը եւ անոր բնակիչները սասանին,
եւ հաստատուն պիտի պահեմ երկրին հիմերը:
Սնապարծներուն կ'ըսեմ.- "կը բաւէ պարծենաք".
ամբարիշտներուն կ'ըսեմ.- "կը բաւէ հպարտանաք,
դադրեցուցէք ձեր ամբարտաւանութիւնը, գոռոգութեամբ մի՛ խօսիք"»:
Արդարեւ դադաստանը ոչ արեւելքէն կու գայ,
ոչ արեւմուտքէն, ոչ հարաւէն, ոչ ալ հիւսիսէն.
այլ՝ Աստուած է դադաւորը, որ մէկը կը խոնարհեցնէ ու միւսը կը բարձրացնէ:
Որովհետեւ Տիրոջ ձեռքին բաժակ մը կայ՝ բարկութեան թունդ գինիով լեցուն.
այդ բաժակէն խմել կու տայ երկրի բոլոր ամբարիշտներուն,
որոնք գայն պիտի քամեն իր մրուրով միասին:
Գալով ինծի, եւ յաւիտեան պիտի ցնծամ,
երգով պիտի ներբողեմ մեր հայրերուն Աստուածը:
Ամբարիշտները իրենց ամբողջ հպարտութեամբ պիտի խորտակուին,
մինչ արդարները զօրութենէ զօրութիւն պիտի բարձրանան:

ՇԱՐԱԿԱՆ- ԱՊՈԹՔ

Տէր ողորմեա, Տէր ողորմեա, Տէր ողորմեա, Տէր ողորմեա:
Ամենասուրբ Երրորդութիւն, տուր աշխարհիս խաղաղութիւն:
Եւ Հիւանդաց բժշկութիւն, ննջեցէլոց արքայութիւն:
Արի Աստուած Հարցն մերոց, որ ապաւէն եւ նեղէլոց:
Տէր ողորմեա, Տէր ողորմեա, Յիսուս Փրկիչ մեզ ողորմեա:

Պահապան ամենայնի Քրիստոս,
աջ քո հովանի լիցի ի վերայ իմ ի տուէ եւ ի գիշերի,
ի նստիլ ի տան, ի գնալ ի մանապարհ,
ի ննջել եւ ի յառնել, զի մի երբեք սասանեցայց.
եւ ողորմեա՛ քո արարածոց եւ ինձ բազմամեղիս:

ՕՐՈՒՄՆ ՆԻԺՈՐ



ՄԱՐԳԱՐԷՈՒԹԻՒՆ ԵՐԵՄԻԱՅԻ

47-49 ԳԼՈՒԽ

ՓՂՇԱՑԻՆԵՐՈՒՆ ԿՈՐԾԱՆՈՒՄԸ (47:1-7)

Ահա կարգը կը հասնի փղշարացիներուն, որպէսզի անոնք ալ կոտորուին: Հերաքրքրական է հետեւեալ արտայայտութիւնը. «**Ով Տիրոջ սուրը, մինչեւ ե՛րբ հանդարտ պիտի չկենաս: Քու պարեանդ դարձիր, հանգչէ ու լռէ: Ի՛նչպէս կրնայ հանդարտ կենալ. երբ Տէրը անոր հրամայեր է**» (6-7 հմր): Սուրը իր գործը պիտի կատարէ մինչեւ իր աւարտը: Տէրը Իր Դատաստանը պիտի փեսնէ մինչեւ որ ամեն ինչ իր աւարտին հասնի:

ՄՈՎԱՔԻՆ ԿՈՐԾԱՆՈՒՄԸ (48:1-47)

Կարգը հասաւ Մովաբին: «**Մովաբ ալ պիտի չպարծենայ**» (2 հմր): Ինչ բանով որ կը պարծենար Մովաբ պիտի կործանի: «**Քու գանձերուդ ու գործերուդ ապաւինելուդ համար դուն ալ պիտի առնուիս**» (7 հմր): Քամովսը Մովաբացիներուն չաստուածն էր, որուն համար Տէրը կ'ըսէ. «Գերութեան պիտի երթայ, իր գուրմերով ու իր իշխաններով մէկտեղ»: Այս բոլորը ցոյց կու տան, թէ ինչ բանի որ կ'ապաւինի Մովաբ պիտի կործանի: Միւս կողմէ, նաեւ Տէրը կը զգուշացնէ, որ եթէ երբեք յանկարծ ան, որ իբրեւ գործիք կը գործածուի Աստուծոյ Դատաստանը փեսնելու համար, «**Ով որ Տիրոջ գործը նենգութեամբ կատարէ անիծեալ ըլլայ**» (10 հմր): Ահա «**Մովաբին եղջիւրը կոտորուեցաւ ու բազուկը բեկանուեցաւ**» (25 հմր): Խորհրդանշէ Մովաբի ոյժին, որ այդ ոյժը չկայ այլեւս: Այս մարգարեական պատգամները նաեւ կը կարդանք Եսայի մարգարէի գրութիւններուն մէջ 24:17-18: Մովաբը ի փես յարձակումին ու կոտորածին կ'ուզէ ապաւինիլ Եսեբոնին, որ սակայն, Տէրը կ'ըսէ, հոնկէ ալ կրակ դուրս պիտի գայ: Այս պարագային եւս, հակառակ գալիք կոտորածին, Տէրը խոստում մը կու տայ, «**Մովաբը գերութենէ պիտի դարձնեն**»: Արտայայտութիւն մըն է, որով ցոյց կու տայ Աւերարանի քարոզչութեամբ հեթանոսներու դարձը:

ՏԻՐՈՋ ԴԱՏԱՍՏԱՆԸ ԱՄՄՈՆԻՆ (49:1-6)

Ամմոնացիներու պարագային ալ անոնց չաստուածը Մեղքոմն է, որ դարձեալ գերութեան պիտի փարուի իր քուրմերովն ու իշխաններովը: Ան ալ ապստամբ ու հպարտացող, գանձերուն ապաւինող, եւ հողորդացող, ըսելով. «**Իմ վրաս ո՛վ կրնայ գալ**» (5 հմր): Ամմոնացիներու պարագային ալ, ինչպէս Մովաբի պարագային, աւարտին Տէրը դարձեալ խոստում մը կու տայ ըսելով. «**Ամմոնին որդիները գերութենէ պիտի դարձնեն**» (6 հմր): Այս բոլոր կոտորածները ցոյց կու տան, որպէս առիթ ապաշխարութեան, դարձի ու անդրադարձի, որպէսզի մեղաւոր, ամբարիշտ, հպարտ մարդ արարածը դարձի գայ ու Տէրը զինք փրկէ գալիք Դատաստանէն:

ՏԻՐՈՋ ԴԱՏԱՍՏԱՆԸ ԵՂՈՎՄԻՆ (49:7-22)

Իսկ գալով Եղովմին, որ կը հպարտանար իր իմաստութեամբ ու հանճարով, այդ բոլորը պիտի կորսուին, որովհետեւ անոր վրայ ալ Աստուծոյ դատաստանը պիտի հասնի: Տիրոջ դատաստանը կրնայ ըլլայ, որ ուշանայ կամ ուշացած սեպեն շարերը, չնայած այդ ուշացումը Առաքեալը կը նկատէ որպէս առիթ, բայց ահա յստակօրէն ցոյց կը փրուի ըսելով. «**Ահա անոնք, որ բաժակը խմելու պարտաւոր չէին, անշուշտ պիտի խմեն. իսկ դուն բոլորովին անպարիժ պիտի մնաս: Անպարիժ պիտի չմնաս, հապա անպարճառ պիտի խմես**» (12 հմր): Այսպէղ բաժակը Աստուծոյ բարկութեան, դառնութեան բաժակն է: Անոնք որ բաժակը խմելու պարտաւոր չէին, այս պարագային Աստուծոյ ժողովուրդը, որ սակայն, անոնց անհնազանդութեան պարճառով պիտի խմեն, իսկ Եղովմի պարագային անոր չարութեան պարճառով անպարճառ պիտի խմէ:

ՏԻՐՈՋ ԴԱՏԱՍՏԱՆԸ ԴԱՄԱՍԿՈՍԻՆ (49:23-27)

Ահա Դամասկոսի վրայով մարգարէութիւն, որուն նաեւ պիտի հասնի Աստուծոյ Դատաստանը: «**Ինչպէս լքուեցաւ երեւելի քաղաքը, ուրախութեան քաղաքը**» (25 հմր): Ահա այս բոլորը կրնան պարտաւոր ալկնթարթի մը մէջ, ինչպէս պիտի ըսէ Քրիստոս անմիտ հարուստին առակով. «**Այս գիշեր հոգիդ քեզմէ պիտի առնուի**»:

ԿԵՂԱՐԻ ՑԵՂԻՆ ԵՒ ՀԱՍՈՐ ԶԱՂԱՔԻՆ ԴԱՏԱՍՏԱՆԸ (49:28-33)

Կեղարի ցեղը, ընդհանրապէս Իսմայէլի սերունդէն սեռած քնչուներն են, պէտուները, վրաններու փակ ապրողները: Անոնք ալ ենթակայ պիտի ըլլան Աստուծոյ ծրագրին, որ կը պարտաւորուի: Ահա կոչ կ'ընէ կարծէք Նաբուգոդոնոսոր թագաւորին, թէ ելիր գնա յարձակիր ու կոտորէ եւ ունեցածը յափշտակէ: Զարմանալի է երեւոյթը, ու մանաւանդ փրուած պատգամը, որ կարծէք անհարիր է ամբողջ Աստուածաշունչ Մատեանի

դրուածքին, որովհետեւ յաճախ մեր սպասումն ու ակնկալութիւնը այն է որ Տէրը, որ բարի է ինչպէս կրնայ այսպիսի թելադրութիւններ կամ ծրագիրներ ունենալ: Բայց այս բոլորին մէջ պէտք է տեսնել Աստուծոյ ծրագիրը ոչ որպէս պարզապէս կոտորած, այլ որպէս կոչ ու ահագանք ապաշխարութեան, այլ խօսքով՝ դարձ դէպի ճշմարիտ Աստուածաշարութիւն: Որովհետեւ այս ցեղերն ու ազգերը կ'ապրէին օտար չաստուածութիւններու պաշտամունքով: Ահա ճիշդ այս էր դերն ու պարականութիւնը Իսրայէլի ժողովուրդին ըլլալու Աստուծոյ խօսնակը, Աստուծոյ վկան այդ ցեղերուն եւ ժողովուրդներուն կեանքին մէջ, բայց չեղաւ, ընդհակառակը ան ընդօրինակեց անոնց կենցաղն ու սովորութիւնները:

ՏԻՐՈՋ ԴԱՏԱՍՏԱՆԸ ԵՂԱՄԻՆ (49:34-39)

Ըստ մասնագէտներուն Եղամը կը ճանչցուի որպէս Պարսկաստանը, որ ինք եւս իր բաժինը պիտի ունենայ Աստուծոյ Դաւաաստանին, որմէ յետոյ Եղամի պարագային ալ գերութենէ պիտի դարձնեն կ'ըսէ Զօրքերու Տէրը: